



UST

**Umhverfisstofnun**

*Environment and Food Agency of Iceland*

• Suðurlandsbraut 24  
15 - 108 Reykjavík, Ísland

☎ (+354) 591 2000

Fax (+354) 591 2010

umhverfisstofnun@ust.is

www.umhverfisstofnun.is

Skipulagsstofnun  
Þóroddur F. Þóroddsson  
Laugavegi 166  
150 Reykjavík

Reykjavík, 19. ágúst 2005

Tilvísun: UST20050600214/sf

**Álver í Reyðarfirði, Fjarðabyggð. Ársframleiðsla allt að 346.000 tonn. Tillaga að matsáætlun.**

Vísað er til erindis Skipulagsstofnunar dags. 1. ágúst sl. þar sem óskað er umsagnar Umhverfisstofnunar um tillögu Alcoa Fjarðaráls s.f. að matsáætlun vegna mats á umhverfisáhrifum álvers í Reyðarfirði.

Umhverfisstofnun gerir eftirfarandi athugasemdir við tillögu að matsáætlun ofangreindrar framkvæmdar.

**Sjónræn áhrif**

Umhverfisstofnun telur mikilvægt að fjallað verði sérstaklega um sjónræn áhrif álversins séð frá fólkvangi og friðlandi á Hólmanesi. Einnig að greint verði frá mögulegum mótvægisáðgerðum til að draga úr sjónrænum áhrifum framkvæmdarinnar.

**Efnistaka**

Í umfjöllun um umhverfisáhrif á framkvæmdatíma í tillögu að matsáætlun segir m.a. að efnistaka sé á ábyrgð verktaka sem sjái um hæðarjöfnun.

Umhverfisstofnun bendir á að efnistakan sem slík er hluti af framkvæmdinni og þar með umhverfisáhrifum hennar og því mikilvægt að fjallað verði með fullnægjandi hætti um umhverfisáhrif efnistöku vegna framkvæmdarinnar. Fjallað verði um efnistöku m.a. með hliðsjón af VI. kafla nr. 44/1999 um náttúruvernd.

**Þjóðhagsleg áhrif**

Í tillögu að matsáætlun kemur fram að þjóðhagsleg áhrif byggingar álvers verði metin og rædd í matsskýrslu.


Umhverfisstofnun vekur athygli á að í úrskurði umhverfisráðherra um mat á umhverfisáhrifum Kárahnjúkavirkjunar frá 20. desember 2001 kemur fram að taka skuli afstöðu til framkvæmdar án tillits til þjóðhagslegs ávinnings eða taps. Álit

umhverfisráðuneytis var að ekki bæri að fjalla um þjóðhagsleg áhrif framkvæmdarinnar og arðsemi hennar við mat á umhverfisáhrifum samkvæmt lögum nr. 106/2000.

Virðingarfyllst,



Sigrós Friðriksdóttir  
Sigrós Friðriksdóttir  
fagsviðsstjóri



Helgi Jónsson  
forstöðumaður framkvæmda-  
og eftirlitssviðs